

B. N. C
FIRENZE
1093
12



Succincta
P R A X I S
ET
U S U S
G L O B I

Cœlestis & Terrestris.

Ex recensione

IOH. THEOD. SPRENGERI,
J. C.



En.



FRANCOFVRTI,
Apud Ægidium Vogelium, Typogr.
M. D C. L X V I.



1073 42

Præliminaria.

In Globo tam Cœlesti quam Ter-
restri occurrunt

- | | | | |
|---|---|---|---------------------------------|
| { | 1. Axis Diame-
ter, & ejus ex-
trema seu po-
li, qui vel | { | Polus Arcticus, ab urſa denomi- |
| | | | natus; |
| | | { | Polus Antarcticus. |
| | | | |
| { | 2. Circuli varii | { | Horizon, qui est vel |
| | | | ſensualis vel ratio- |
| | | { | Meridianus, |
| | | | Equator ſeu æquino- |
| { | Zodiacus, cujus medi- | | |
| | um Eclipse. | | |
| { | 3. Circulus horarius. | { | Tropici { |
| | | | Cancrī,
Capricornī. |
| | | { | Polares { |
| | | | Arcticus
Antarcticus. |

Globo Cœlesti proprii ſunt 1. Coluri æqui-
noctiorum & ſolſtitiiorum. 2. Circuli longitudi-
num, qui omnes ſtellas ad 12. ſigna ſeu claſſes re-
digunt.

Globo Terreſtri proprii ſunt 1. Meridianus
primus. 2. Meridiani ſecundarii, qui per decimū
A 2 quem-

quemque gradum *Æquatoris* transeunt: 3 *Parallel-*
li latitudinis, qui per decimum quemque *Meri-*
dianorum gradum ducti.

Quilibet. *Circulus Geographis* dividitur in
60. gr. Univerò gradui, in maximo terræ circulo
respondent

Russica milliaria:	80	Horaria leuæ	25
Italica	60	Hispanica	17½
Anglica	55	Germanica mill. min.	15
Suecica	50	Scandica seu Norvveg.	10
Gallica leuæ	23		

Axiomata & Theoremata fre-

quentius occurrentia.

1. Respicienti ad *Septentrionem* Oriens est ad dex-
tram, Occidens ad sinistram, & à tergo
Meridies.
2. *Habitator Terræ*, ubicunque hæreat, insistit
plano *Horizontis* sui perpendiculariter.
3. Perpendicularis à statione habitantis in cœlum
imaginationeeducta, terminator in nonage-
simo gradu, qui terminus Arabicè appellatur
Zenith, cique opponitur *Nadir*. Invenitur
autem *Zenith* in Globo quàm promptissimè
sic; Gradus & minuta elevationis *Poli* nu-
merentur in meridiano & æquinoctiali, in-
cipi-

cipiendo & pergendo versus polum supra
Horizontem extantem, critque in numera-
tionis termino desideratum Zenith.

4. Quanta est latitudo loci, tanta est elevatio poli,
& vice versa :: Invenitur autem latitudo in
Globo sic :: Deducatur locus propositus ad
Meridianum, & numerentur gradus Meri-
diani inter æquinoctialem & datum locum
intercepti.

Ceterum theorema ipsum sic demonstratur: In
adjecto schemate sit A.M.P.C. Meridianus, A.B.
C. Horizon, P.O. Axis mundi, & P. quidem Polus
Arcticus; O. verò Antarcticus; M.B.N. sit æqui-
noctialis, U. punctum verticale. Dico latitudi-
nem loci M.U. æquari elevationi Poli C.P. Cum
enim M.U.P. & U.P.C. sint quadrantes Circuli
ejusdem, erunt inter se æquales, & sublato com-
muni arcu etiam residui arcus M.U. & P.C. erunt
æquales.

5. Elevatio Poli & Elevatio æquatoris simul con-
ficiunt 90. gradus.

D E M O N S T R A T I O .

Dico elevationem Poli P.C. & elevationem
æquinoctialis A.M. simul conficere 90. grad. In
semicirculo n. A.U.C. continentur bis 90. grad.

& verò Arcus M.V.P. sit quadrans s. 90. graduum;
abstracto igitur eo de semicirculo, restabunt
simul arcus P.C. elevationis Poli, & A.M. eleva-
tionis æquatoris 90. gradibus.



Systema Mundi Ptolemaicum.



Systema Mundi Copernicanum.




Alterum Copernici Systema.




B

Sphæra recta.



Sphæra parallela.



Sphæra obliqua.



Tabella Climatum & Parallelorum.

Climata	Paralleli	Maxima dies		Latitudo	Amplitudo Climas.	Nomen
		Hor.	min.			
1.	1.	12.	15.	4.	18.	Anonymon f. sine nomine.
	2.	12.	30.	8.	34.	
	3.	12.	45.	12.	43.	
2.	3.	12.	45.	12.	43.	Per Meroën.
	4.	12.	0.	16.	43.	
	5.	12.	15.	20.	43.	
3.	5.	13.	15.	20.	33.	Per Sienen sub Tropico Cancr.
	6.	13.	30.	23.	10.	
	7.	13.	45.	27.	16.	
4.	7.	13.	45.	27.	36.	Per Alexandri- am Egypti.
	8.	14.	0.	30.	47.	
	9.	14.	15.	33.	45.	
5.	9.	14.	15.	33.	45.	Per Rhodum & Babylonem.
	10.	14.	30.	36.	30.	
	11.	14.	35.	39.	2.	
6.	11.	14.	45.	39.	2.	Per Romā, Cor- sicam & Helle- spontum.
	12.	15.	0.	41.	22.	
	13.	15.	15.	43.	32.	
7.	13.	15.	15.	43.	32.	Per Venetias & Mediolanum.
	14.	15.	30.	45.	29.	
	15.	15.	45.	47.	20.	
8.	15.	15.	45.	47.	20.	Per Podoliam & Tarras. min.
	16.	16.	0.	49.	1.	
	17.	16.	15.	50.	33.	

<i>Climata</i>	<i>Paralleli</i>	<i>Maxim. dies Hor. min.</i>		<i>Latitudo</i>		<i>Amplius Climat.</i>	<i>Nomen.</i>
9.	17.	16.	15.	50.	33.	2. 44.	Per Witteber- gar.
	18.	16.	30.	52.	58.		
	19.	16.	45.	53.	17.		
10.	19.	16.	45.	53.	17.	2. 17.	Per Rostochium.
	20.	16.	0.	54.	29.		
	21.	17.	15.	55.	34.		
11.	21.	17.	15.	55.	34.	2. 0.	Per Hyberniam.
	22.	17.	30.	56.	37.		
	23.	17.	45.	56.	34.		
12.	23.	17.	45.	56.	34.	1. 40.	Per Bahus Ca- strum Nor- vegicæ.
	24.	17.	0.	58.	26.		
	25.	18.	15.	59.	14.		
13.	25.	18.	15.	59.	14.	1. 26.	Per Gothiam.
	26.	18.	30.	59.	59.		
	27.	18.	45.	60.	40.		
14.	27.	18.	45.	60.	40.	1. 13.	Per Bergos Norvegicæ.
	28.	19.	0.	61.	18.		
	29.	19.	15.	61.	53.		
15.	29.	19.	15.	61.	53.	1. 1.	Per Viburgû Finlandiæ.
	30.	19.	30.	62.	25.		
	31.	19.	45.	61.	54.		
16.	31.	19.	45.	62.	54.	0. 52.	Per Aroliam Sueciæ.
	32.	20.	0.	63.	22.		
	33.	20.	15.	63.	46.		
17.	33.	20.	15.	63.	46.	0. 44.	Per Dalen Kau- li Aurii ostia.
	34.	20.	30.	64.	6.		
	35.	20.	45.	65.	30.		
18.	35.	20.	45.	64.	30.	0. 36.	Per reliqua
	36.	21.	0.	64.	49.		
	37.	21.	15.	65.	6.		

<i>Climata</i>	<i>Paralleli</i>	<i>Maxim. dies</i>		<i>Latitudo</i>	<i>Amplitudo</i>	<i>Nomen</i>
		<i>Hor.</i>	<i>min.</i>		<i>Climat.</i>	
19.	37.	21.	15.	65.	6.	Loca Nor.
	38.	21.	30.	65.	21.	
	39.	21.	45.	65.	35.	
20.	39.	21.	45.	65.	35.	vvegiz.
	40.	22.	0.	65.	47.	
	41.	22.	15.	65.	57.	
21.	41.	22.	15.	65.	57.	Succiz.
	42.	22.	30.	66.	6.	
	43.	22.	45.	66.	14.	
22.	43.	22.	45.	66.	25.	Alba Russiz.
	44.	23.	0.	66.	20.	
	45.	23.	15.	66.	25.	
23.	45.	23.	15.	66.	25.	&vicinarum.
	46.	23.	30.	66.	28.	
	47.	23.	45.	66.	30.	
24.	47.	23.	45.	66.	30.	Insularum.
	48.	24.	0.	66.	30.	

Incrementa maximi dici per menses.

<i>Menses</i>		
1.	67.	15.
2.	69.	30.
3.	73.	10.
4.	78.	10.
5.	84.	0.
6.	90.	0.

Quoties magnitudo Stellæ magnitudinem terræ, vel magnitudo terræ magnitudinem stellæ in se continet.

Quævis stella primæ magnitudinis	} in se continet terræ magnitudinem	107 $\frac{1}{2}$
Quævis stella secundæ magnitud.		90 $\frac{1}{2}$
Quævis stella tertiæ magnitud.		72 $\frac{1}{2}$
Quævis stella quartæ magnitud.		54 $\frac{11}{12}$
Quævis stella quintæ magnitud.		36 $\frac{1}{2}$
Quævis stella sextæ magnitud.		18 $\frac{1}{10}$
Saturnus		9 $\frac{1}{2}$
Jupiter		9 $\frac{1}{2}$
Mars		1 $\frac{1}{2}$
Sol		166 $\frac{1}{2}$

Terra in se continet magnitudinem	{ Veneris	37 $\frac{1}{27}$
	{ Mercurii	21952
	{ Lunæ	39 $\frac{1}{2}$

Sol in se continet Lunæ magnitudinem 6539 $\frac{1}{2}$

DE

DE USU GLOBORUM
ET CHARTARUM GEO-
GRAPHICARUM.

CAP. I.

*De Propositionibus generalibus & communibus
utriusque Globo.*

PROPOS. I.

Sphæram rectam & Horizontem
rectum exhibere.

OPERATIO.

Exime circulum horarium ex Globo, hinc
Globum ita pone, ut uterque polus incumbat
Horizonti. Dicitur positus iste Sphæra recta,
quia in eo Æquinoctialis cum Horizonte Angu-
lum rectum constituit. Talem positum habent
illi populi, qui sub Æquinoctiali, seu ut vulgo
dicitur, sub linea degunt, ut Æthiopes quidam
ex India Orientali & Occidentali,

C

Pr. II.

PROP. II.

Demonstrare, quod Populi in

Sphæra recta degentes bis habeant æstatem & bis hyemem.

OPERATIO.

Compone Globum ad Sphæram rectam, & cum sic apparet Arietis & Libræ principium per verticem transire, inde colliges duplicem dictis populis contingere æstatem. Contra cum Cancri & Capricorni principia longius abeant à vertice, ex hoc argues duplicem hyemem.

PROP. III.

Demonstrare, quod Populi sub

Æquinoctiali degentes per totum annum habeant æquinoctium.

OPERATIO.

Fac Sphæram rectam: Postea creta ad gradum quemcunque Eclipticæ in Horizontis sectione admota, movendo Globum describe circulum, qui parallelus erit Æquinoctiali: & pari ratione describe alios. Jam cum isti paralleli per Horizontem ita dividantur, ut medietas unarum supra terram emineat, & altera infra terram abscondatur; igitur exinde colliges semper dies noctibus æquales esse.

Sphæram parallelam exhibere.

OPERATIO.

Dirige Globum ita, ut polus alter 90. gradib. supra terram existat, & alter totidem gradibus infra Horizontem deprimatur, sive quod idem est, ut Æquinoctialis undiquaque incumbat Horizonti. Dicitur positus iste Parallelus, quandoquidem Æquinoctialis Horizonti parallelus est: Talem positum loci polares habent, scilicet ubi latitudo est 90. graduum.

PROP. V.

Demonstrare, quod loci sub Sphæ-

ra parallela positi, seu loci subpolares, per dimidium annum habeant diem, & per dimidium noctem.

OPERATIO.

Fac Sphæram parallelam, & quia in hoc positu apparet 6. signa Eclipticæ semper supra Horizontem morari, nec unquam descendere, quantumcunque moveatur Globus, & par ratione sex signa perpetuò infra Horizontem morari; igitur hinc concludes diem esse sex mensium, & noctem totidem.

Sphæram obliquam repræsentare.

OPERATIO.

Extolle polum ita supra Horizontem, ut ejus elevatio minor sit 90. gradib. & habebis Sphæram obliquam. Dicitur autem positus iste Horizontis obliquus, quia Æquinoctialis cum Horizonte facit angulum obliquum. Talem Horizontem habent populi qui inter Æquinoctialē & puncta polaria degunt, ut Europæi omnes, maxima pars Asiaticorum, ut & Africanorum & Americanorum, maxima denique etiam pars Magellanicæ.

PROP. VII.

Demonstrare, quod in Sphæra obliqua diei quantitas modo major, modo minor sit.

OPERATIO.

Exhibe primū Sphæram obliquā. Hinc move gradum aliquem Cancrī ab Oriente per Merid. ad Occidentem, & videbis esse longum diei illius arcum; mox circumduc gradum aliquem Capricorni, & animadverteres esse parvū ejus diei arcum. Idem demonstraveris, si parallelos per Eclipticæ quosdam gradus mediante creta ad Horizontem admota descripseris. Modo enim majorē circuli partem supra Horizontē versari & minorē infra, modo min. supra, & majorem infra deprehendes.

PR. VIII.

PROP. VIII.

Demonstrare, quod sole in primo

gradu Arietis & primo gradu Libræ existente
per universam terram fiat Æquinoctium.

OPERATIO.

Quandoquidem in omni Horizontis positu
(excepto solum eo qui parallelus est) Æqui-
noctialis medietas una supra Horizontem existit,
altera infra Horizontem deprimitur, & vero Sol
in principio Arietis & Libræ existens, circulum
eundem cum Æquinoctiali motu diurno descri-
bat, igitur Sol tum temporis tam diu moratur
supra terram quamdiu infra,

PROP. IX.

Cognito mensis die invenire gra-

dum Eclipticæ sive gradum Solis.

OPERATIO.

Inquire diem propositum in Calendario
Horizontis, & ibidem è regione Eclipticæ
Horizontis invenies gradum Solis.

OBSERVATIO.

In anno bissextili qui 366. dies continet, &
quarto anno recurrit, post 28. Februarii inquire
diem sequentem. At in anno communi qui 365.
diebus constat, excipe istum gradum qui è regio-
ne diei propositi invenietur.

PROP. X.

Cognito gradu solis invenire
diem mensis.

OPERATIO.

Inquire gradum solis in Ecliptica Horizon-
tis, & è regione correspondebit dies mensis.

OBSERVATIO.

In anno bissextili post 28. Febr. non excipe
diem è regione positum, sed præcedentem.

PROP. XI.

Cognito gradu solis ad datum
diem, & data latitudine loci, quantitatem diei
investigare.

OPERATIO.

Eleva polum secundum latitudinem loci,
quam ex Globo terrestri, & ex chartis Geographi-
cis, ut suo loco docebitur, capies; 2. gradum
solis quære in Ecliptica Globi, eumque deduc
ad Horizontem ortivum; 3. cum gradus solis
in Horizonte ortivo constitutus fuerit, deduc
indicem horarium ad 12. horam superiorem;
4. promove gradum solis ab ortu per meridiem
ad occidentem, & respice indicem circuli hora-
rii, quotam horam monstret ad duodecimam
superiorem, versus occidentem numerando;
sic habebis quantitatem diei.

PR. XII.

Cognita quantitate diei invenire
quantitatem noctis.

OPERATIO.

Subtrahe quantitatem diei à 24, horis, &
restabit quantitas noctis.

PROP. XIII.

Horam ortus solis quocunque die
in quacunque elevatione poli indagare.

OPERATIO.

Dispone Globum ad debitam elevationem
poli, deinde indaga gradum solis assignati diei,
eumque deduc ad Meridianum, & indicem hora-
rium ad 12. superiorem, hinc move Globum, do-
nec locus solis sit in Horizonte ortivo, & respice
indicem horarium, qui tibi horam ortus ostendet.

PROP. XIV.

Horam occasus solis quocunque
die quacunque elevatione poli investigare.

OPERATIO.

Fac elevationem poli latitudini loci tui cor-
respondentē, deinde gradum solis ejus diei deduc
ad Meridianum, & indicem horarium ad horam
12. superiorē, postea move Globum, donec locus
solis sit in Horizonte occiduo, & respice indicem
horarium, qui tibi ostendet horam occasus solis.

PR. XV.

Ad quemcunque diem sub qua-
vis elevatione poli, invenire horam meridiei,
secundum horologium Italicum, cujus 24 hora
in momentum occasus solis incidet.

OPERATIO.

Compone Globum ad elevationem loco
competentem, deinde promove locum solis ad
occidentem, quo facto deduc indicem horarium
ad 12. horam superiorem, move postea gradum
solis per hæmispherium posterius, perque ortum
ad Meridianum usque, & respice ad indicem
circuli horarii, qui tibi monstrabit horam diei.

PROP. XVI.

Cognita elevatione poli alicujus
loci invenire clima.

OPERATIO.

Dirige Globum ad debitam poli elevatio-
nem, hinc inquire quantitatem diei maximi, sole
scil. in principio Cancri constituto, per 11. propo-
sitionem, ab inventa quantitate diei subtrahe
horas 12. quia sub Æquinoctiali, unde initium fit
numerandorum climatum, dies semper est duo-
decim horarum. Deinde horas post subtractio-
nem residuas duplica, & acquies numerum cli-
cli.

climatis. E. G. Sit alicubi dies maximus inventus
 17. horarum; subtrahe 12. & restabunt 5. horæ,
 quæ duplicatæ constituunt 10. qui est numerus
 climatis: quod si diei maximi quantitatem dimi-
 dium horæ superet, eam duplo horarum addes, &
 summa ostendet numerum climatis, nam quot
 sunt dimidiæ horæ supra 12. tot numerantur cli-
 mata. E. G. sit alicubi dies maximus $16\frac{1}{2}$ hora-
 rum; subtrahe 12. à sedecim, & remanebunt 4.
 quas duplica, & habebis 8. dimidias horas; his
 adijce priorem illam dimidiam horam, & habe-
 bis novem; unde nonum ostenditur clima.

PROP. XVII.

Cognita altitudine Solis Meridia-
 na invenire elevationem poli.

OPERATIO.

Locum solis ejus diei admove Meridiano,
 punctumq; Meridiani nota, hinc à dicto puncto,
 deorsum numera altitudinem Solis observatam,
 & terminum numerationis Horizonti applica,
 & numera gradus Meridiani inter polum &
 Horizontem interceptos, & habebis elevatio-
 nem poli desideratam.



CAP. II.

*De Propositionibus applicantibus usum
Globi cœlestis.*

PROP. I.

Globum cœlestem ad datam horam, sub cognita elevatione poli, pro contemplandis stellis dirigere.

OPERATIO.

1. Eleva polum tot gradibus supra Horizontem, quot numerantur in latitudine loci tui.

2. Indaga gradum solis in Ecliptica Horizontis, vel ex Ephemeridibus, si accuratiorem vis invenire rationem: hinc locum solis creta notatum sub Meridiano siste, & indicem horarium 12. horæ superiori applica.

3. Hoc factò move Globum ab Oriente in Occidentem, donec Index horarius tempus vel Horam pro contemplatione stellarum assignatam ostendat. Hinc pone Globum talem in modum, ut Meridianus Globi correspondeat Meridiano cœli, & polus Globi cœlestis polo; eritque facta directio.

Ut

17

Ut vero insuper *Aristophylus* Planetas quoq;
quorum sedes in Globo depictæ non inveniun-
tur, dignoscere valeat, inquiret prius eorum loca
in Ephemeridibus, deinceps unumquemque in
cœlesti Globo & in signo & gradu creta vel
charta notabit, quem locum in cœlo ex Eph-
emeridibus occupare deprehensus fuerit,

PROP. II.

Globum cœlestem ad quamcunq;

horam horologii Italici, sub data elevatione
poli dirigere.

OPERATIO.

1. Compone Globum ad elevationem poli
debitam.

2. Gradum solisejus diei, in Ecliptica Globi
creta notatum, deduc ad Horizontem occi-
duum; sole enim in puncto occasus consistente
initium est diei sequentis, & finis præcedentis, nec
aliunde, quam ab hoc momento numerantur
horæ Italicæ.

3. Move indicem horarium, ad horam 12.
superiorem.

4. Converte Globum eousq;e, donec In-
dex horarius ostendat horam propositam, eritq;
Globi facta directio secundum horologium
Italicum,

PROP. III.

Sub quacunque elevatione poli,
quacunq; nocte scire, qua hora stella aliqua in-
signior aut oriatur aut occidat.

OPERATIO.

1. Eleva polū proratione latitudinis loci tui.
2. Gradum solis ejus dici, in Ecliptica Globi
creta notatum, deduc ad Meridianum, & indi-
cem horarium ad horam 12. superiorem.
3. Converte Globum ab Oriente in Occi-
dentem, donec stella desiderata Horizontem
ortivum vel occiduum attingat, & respice ad
indicem horarium, qui horam expectatam
ostendet.

PROP. IV.

Cognita altitudine Solis supra
Horizontem, dataque elevatione poli horam
dici investigare.

OPERATIO.

1. Compone Globum ad elevationem poli.
2. Gradum Solis ejus dici, in Ecliptica Globi
creta notatum, deduc ad Meridianum, & indi-
cem horarium ad horam 12. superiorem.
3. Quadrantem æneum altitudinis nona-
gesimo Meridiani gradui, h. e. puncto verticali,
applica, Invenitur autem punctum verticale, si
gra-

gradus & minuta elevationis poli in Meridiano, ab *Æquinoctiali* incipiendo, versus polum numerentur; terminus enim numerationis erit desideratum punctum verticale.

4. Gradum altitudinis solaris per observationem inventum, in quadrante altitudinis, ab infima ejus parte incipiendo numera, & creta nota: Pari elevatione locum solis in *Ecliptica Globi* inquire, & inventum creta nota, hinc ad quadrantem altitudinis & Globum variè move, donec punctum in quadrante notatum cum puncto in *Ecliptica* notato coincidat, & hoc facto respice indicem horarium, qui tibi ostendet horam diei.

Observe, quadrantem altitudinis tempore antemeridiano in partem Globi orientalem pendulum esse debere, tempore pomeridiano in partem Globi occidentalem.

PROP. V.

Cognita altitudine stellæ, dataque elevatione poli horam noctis investigare.

OPERATIO.

1. Compone Globum ad debitam elevationem poli,

D 3

2. Gra-

2. Gradum solis ejus diei, in Ecliptica Globi creta notatum, deduc ad Meridianum, & indicem Horarium ad horam 12. superiorem.

3. Quadrantem æneum altitudinis puncto verticali, scil. nonagesimo gradui applica.

4. Gradum altitudinis stellæ per observationem inventum, in quadrante altitudinis numera, & creta nota: pari ratione & stellam observatam nota: hinc quadrantem altitudinis & Globum varie move, donec locus stellæ in Globo, & gradus altitudinis in quadrante notatus coincident, & respice indicem horarium, qui ostendet horam optatam noctis.

Observe quadrantem altitudinis parti Globi Orientali applicandum esse, si stella in Orientali coeli parte fuerit observata: at contraparti Occidentali, si stella in Occidentali coeli parte prehensa fuerit.

PROP. VI.

Scire in quo signo Zodiaci quævis
stella versetur.

OPERATIO.

Filum vel quadrantem altitudinis per polum Eclipticæ & stellam ducito, & quidem usque ad Eclipticam, sic gradus & signum Zodiaci, in quo ille hæret, ostendetur.

CAP. III.

CAP. III.

*De Propositionibus explicantibus usum Globi
terrestris.*

PROPOS. I.

Latitudinem loci propositi in-
venire.

OPERATIO.

Siste locum propositum sub Meridiano, &
numera gradus ejus inter Æquinoctialem &
propositum locum interceptos.

PROP. II.

Longitudinem loci propositi in-
venire.

OPERATIO.

Siste iterum locum propositum sub Meri-
diano, & numera gradus Æquinoctialis inter
primum Meridianum & æneum (qui Meridia-
num loci repræsentat) interpositos.

PROP. III.

Propositum locum sub puncto

verticali sistere, seu Globum Horizontaliter
dirigere.

OPERATIO.

Eleva polum tot gradibus supra Horizontem,
quot numerantur in latitudine loci tui, locumq;
pro-

*certum
per quem locum
distantiæ & horæ
Cantabrigiæ. Sed cum
diversa etiam locorum
sit huiusmodi solis*

propositum applica Meridiano, & erit locus sub vertice cōstitutus. Sit E.G. Globus pro Amstelodamo dirigēdus. Applica igitur Amstelodamum Meridiano & numera latitudinem loci; deinde polum cōsusque supra Horizontem attolle, donec ejus elevatio latitudini sit æqualis; hinc Amstelodamum Meridiano applicatum in verticali consistet puncto, critque Globus Horizontaliter directus.

PROP. IV.

Regiones mundi aut ventorum
plagas, respectu propositi loci indagare.

OPERATIO.

Siste locum propositum sub puncto verticali, per propositionem præcedentem, & hinc circumspecte versus omnes mundi plagas; sic videbis quænam terræ loca proposito loco sint Orientalia, Occidentalia, Septentrionalia aut Meridionalia.

PROP. V.

Scire in qua plaga Mundi consistat
locus tuus, respectu loci alterius.

OPERATIO.

Quæritur quomodo sit Amstelodamum respectu Hamburgi? dirigito iterum Globū Horizontaliter pro Hamburgo, per propositionem
ter.

tertiam, & filum Hamburgo & Amstelodamo applicatum, ad Horizontem usque pertrahito, sic monstrabitur regio versus quam situm est Amstelodamum.

PROP. VI.

Distantiam duorum locorum inquire.

OPERATIO.

Filo vel circino propositum locorum intervallum metire, idque Æquinoctiali applicatum exhibebit distantiam optatam in gradibus, hos deinde per 15. multiplica, & habebis milliaria Germanica.

PROP. VII.

Omni tempore monstrare loca terræ, ubi talis sit hora qualis exigitur.

OPERATIO.

Sit Hamburgi quarta hora post meridiem, & quarantur loca quibus tunc octava sit post meridiem. Siste Hamburgum sub Meridiano, & move indicem horarium ad horam quartam pomeridianam sive occidentalem: hinc volve Globum donec index monstret horam octavam ejusdem semicirculi occidentalis, & videbis sub Meridiano tum alia loca, tum in primis Ormas & novā Zemblam, quibus tunc est hora 8. vespertina.

E

PR. VIII.

Omni tempore monstrare, quota

fit hora diei in loco assignato, dum in tuæ habitationis loco hora data est.

OPERATIO.

Sit Parisiis hora 2. post meridiem, ac quærat^r quota tunc sit Hierosolymis? Siste Lutetiam Parisiorum sub Meridiano, & horarium indicem admove horæ secundæ post meridiem, hinc volve Globum eo usque donec Hierosolyma sub Meridiano sit, & respice indicem horarium, qui tibi horam optatam monstrabit.

PROP. IX.

Omni tempore monstrare, quota

fit hora diei in loco habitationis tuæ, dum in alio loco assignata est hora quæcunq; alia.

OPERATIO.

Qu. quota sit hora Lugduni Batavorum, dum in medio insulæ Cubæ (quæ sita est in America Septentrionali) est hora quinta matutina? Siste medium insulæ Cubæ sub Meridiano, & indicem horarium promove ad horam quintam Orientalem, hinc volve Globum eo usque donec Lugdunū Batavorum (seu Amstelodamum, cum Lugdunum in Globo non extet) perductum sit ad Meridianum, & monstrabit index horarius horam quæsitam.

PR. X.

Monstrare in Globo , quem

parallelum describat Sol, seu quænam loca perpendiculariter pertranseat , die quocunq; proposito.

OPERATIO.

Globo quomodocunque disposito , deduc locum Solis propositi diei ad Meridianum, & punctum in Meridiano creta signa. Hinc move Globum, & populi qui punctum in Meridiano notatum transibunt, erunt perpendiculariter sub parallelo & via Solis , quam is proposito die percurrit.

PR.OP. XI.

Omni hora & tempore monstrare

locum terræ, cui tunc Sol perpendiculariter imminet.

OPERATIO.

Qu. E. G. quis ille sit locus, quem die 20. Jun. 10. hora matutina Hamburgensium, Sol perpendicularibus illustrat radiis?

1. Quære locum Solis ad datum diem, qui tunc erit circiter in 28. \square locoque Solis ad Meridianum ducto, fac notam in acquisito illo Meridiani puncto.

2. Deduc Hamburgum sub Meridianum, & indicẽ horarium ad horam matutinã decimã,

moveque Globum ad horam 12. meridianam, & locus ille, qui gradui in Meridiano creta notato subiacebit, verticalem habebit solem.

ALIVD EXEMPLVM.

Qu. quis ille sit locus, qui die vigesimo Jun. hora duodecima Hamburgensium, solem habeat perpendicularem? Operaberis brevius:

1. Notabis punctum Meridiani, ad quod gradus Solis ejus diei perductus fuerit, deinde deduces Hamburgum sub Meridianum, & illico sub gradu vel puncto notato videbis locum, cui tunc temporis Sol perpendiculariter imminet.

PROP. XII.

Omnitempore monstrare medietatem terræ, quæ tunc illuminatur à Sole.

OPERATIO.

Qu. dum Amstelodami est hora 2 pomeridiana die 20. Jun. quænam nunc terræ medietas à Sole illuminetur? 1. Quære locum, cui tunc temporis Sol perpendiculariter immineat, per propositionem præcedentem, & invenietur 9. gr. longitudinis & latitudinis 22. quem locum in Globo creta notabis. Hoc facto eleva polum tot gradibus supra Horizontem, quot latitudo loci tui continet, & locum ipsum siste sub Meridiano, eritque conspicua medietas, quæ à Sole illuminetur, nempe ea quæ supra Horizontem extat.

PR. XIII.

Monstrare in Globo, quænam loca

terræ ad datum quodcunque tempus habeant
Solem orientem aut occidentem.

OPERATIO.

Q. dum Amstelodami est hora 2. post meridiem die 20. Jun. quibusnam tunc terræ locis Sol oriatur & quibus occidat? Indaga primum medietatem terræ tunc temporis à Sole illuminatam, per propositionem præcedentem. Hinc respice ad occidentalem partem Horizontis, & populi quos illic cōspicies, habebunt tunc Solem orientem, e contrario illi qui ad Horizontem ponuntur ortivū, habebunt tunc Solem occidētem,

PROP. XIV.

Monstrare, quota sit hora in loco

habitationis tuæ, & quis dies Mensis, dum Sol perpendiculariter imminet alicui loco sub Zona torrida.

OPERATIO.

Q. quota sit hora Amstelodami, & quis dies Mensis, dum Sol perpendiculariter incumbit urbi Bantam in insula Java, sub Latit. Meridion. 6. gr. 30. min.

Verte Globum, donec aliquis gradus Eclipticæ transeat Meridianum sub latit. 6. gr. 30. m. & invenientur 16. ♊ & 14. ♋. Quære deinde, quanam

anni dies hisce gradibus correspondeat in Calendario Horizontis. Correspondet autem 16. α dies 10. Octobr. & 14. χ . dies 4. Mart. Jul. nov. Postea colloca Bantam sub Meridiano, & indicem horarium ad 12. Meridianam; hinc volve Globum, donec Amstelodamum substat Meridiano, & respice ad indicem horarium, qui monstrabit horam 5. matutinam ac 15. m. quare dices Sole perpendiculariter urbi Bantam incumbente esse diem 10. Octobr. vel 4. Mart. horamque 5. Matutinam 15. minuta.

PROP. XV.

Monstrare quocunq; die in quocunq; loco, quantum Sol absit à vertice tempore Meridiano.

OPERATIO.

Qu. quantum Sol absit Amstelodamensibus à vertice die 20. Jun. Quære igitur gradum Solis in Calendario Horizontis 20. Jun. correspondentem, & invenies 28. Π . Hinc polum supra Horizontem attolle, ut altitudini Amstelodamensi ejus elevatio correspondeat, latitudinemque ab Æquinoctiali incipiendo in Meridiano numera, & numeratam nota; in ejus enim termino est punctum verticale. Tandem 28 Π sub Meridiano siste, gradusq; inter locum Solis & pun-

punctum verticis interceptos numera, sic innotescet, quot gradibus Sol proposito die Amstelredamensibus absit à vertice.

PROP. XVI.

Monstrare parallelum seu loca

terræ, quibus Sol assignata diei hora supra Horizontem oritur.

OPERATIO.

Qu. quibus terræ locis Sol die 20. Jun. hora decima matutina in Horizonte Orientali constituitur? Quære primum gradum Solis ejus diei, sitque ille 28. Π . Secundo siste locum Solis sub Meridiano, admoveq; indicem horæ duodecimę Meridianæ. Tertiò move globum, donec index horam decimam ostendat matutinam, quo facto aut deprime aut attolle polum, indice interim semper supràto, matutinā morante, donec locus Solis sit in Horizonte Orientali, & numera gradus & minuta elevationis poli inventæ, ut hoc loco 63. grad. Quarto si tunc polus in sphaeræ parte Septentrionali hæserit, cretâ notabis verticis punctum, & globum volves, quæque tunc loca verticis punctum subibunt, habebunt assignato tempore orientem solem. Sin verò polus in postmeridionali sphaera extiterit (ut in præsentis exemplo) respicies ad Nadir, hoc est ad punctum
verti-

verticē oppositum; quæ eam loca in circum-
 volutione Globi per istud punctum transibunt,
 habebunt pari ratione tunc Solem orientem.
 Invenitur autem exactum punctum ipsius
 Nadir, sitot gradus & minuta ab Æquinoctiali
 in Meridiano, usq; ad medium infimi pedimenti
 numeraveris, quot inventa elevatio poli antea
 ostenderat. In exemplo nostro numerantur 63.
 ab Æquinoctiali, & quidem latitudinis Australis,
 qui cadunt in terram Magellanicam. Quare dico
 populis sub latitudine Australi 63. graduum habi-
 tantibus, si qui habitant, solem oriri 20. Jun.
 hora decima matutina.

PROP. XVII.

Periæcos, Antæcos, Antipodes ali-

cujus loci propositi invenire.

MONITVM.

Periæci sunt, qui sub Meridiano, sed ejusdem
 paralleli locis oppositis habitant.

Antæci sunt, qui sub Meridiani medietate
 habitant, æquali intervallo ab Æquinoctiali siti;
 latitudo unius tantum versus Austrum, quantum
 alterius versus Boream tendit.

Antipodes quasi pedibus obversis inceden-
 tes, qui sub communi degunt Meridiano, sed in
 locis diametraliter sibi oppositis.

Periæ-

Periæci conveniunt ratione Climatis & Zonæ, sed differunt in hoc, quod quando uni periæcorum dies est, alteri nox est.

Antæci communem habent meridiem & mediam noctem, sunt in eadem Zona & in eodem Climate, sed oppositæ denominationis. Differunt quoad tempora anni; unius enim æstas, alterius est hyems, uniusque dies longissimus, alterius est brevissimus.

Antipodes conveniunt latitudine loci, sed in oppositis semicirculis Meridiani numeranda. Differunt quoad tempora anni (nisi sunt sub Æquinoctiali) cum enim uni Antipodum æstas fit, alteri est hyems, cum uni est vernum tempus, alteri est Autumnus. Differunt quoque ratione dierum & noctium; cum enim uni Antipodum media dies est, alteri media nox est.

OPERATIO.

Periæcos loci tui ita invenies. Exime Globum ex Horizonte, & locum habitationis tuæ adjuuge Meridiano superiori, latitudinemque loci numera, hinc latitudinis easdem partes in inferna parte Meridiani, ab Æquinoctiali versus eundem polum nota, & habebis locum periæcorum.

F

Antæ-

Antæcos loci ut inquiras, movebis locum propositum ad Meridianum, ejus latitudinem scilicet distantiam ab Æquatore versus Boream numerabis in Meridiano, ab Æquatore in Austrum, eritque terminus numerationis Antæcorum tuorum locus.

Antipodum locum ita nancisceris. Exempto rursus Globo ex Horizonte duc locum habitationis ad Meridianum, & numera gradus latitudinis loci, hinc loco tuo interim à superna parte Meridiani non dimoto, numera latitudinis gradus eosdem in parte inferna Meridiani, ab Æquinoctiali versus polum oppositum. Sin locus tuæ habitationis fuerit in Æquinoctialis parte superiori, erit locus Antipodalis, sub Æquinoctialis parte inferiore ad Meridianum posita.

PROP. XVIII.

Monstrare, quot dies vel menses

duret dies artificialis maximus alicujus loci, in Zona frigida propositi.

OPERATIO.

Qu. quot dies vel menses duret dies artificialis maximus in extrema parte septentrionali Novæ Zemblæ, cujus longit. 135. & latitud. 77. Eleva polum tot gradibus supra Horizontem, quot

quot sunt gradus in latitudine proposita, nempe 77. & move Globum eousque, donec gradus Eclipticæ aliquis sit sub communi sectione Horizontis & Meridiani, gradumque inventum creta signa. & ab eo incipiendo numera gradus omnes usque ad principium Cancrī occurrentis, deinde graduum horum numerum duplica, & habebis circiter numerum dierum naturalium, quibus dies artificialis maximus propositi loci, ut & nox artificialis constat. Dico circiter numerū dierum, diei artificialis maximi te habiturum, ubi gradus Eclipticæ nunquam occidentes habueris, quia uni gradui non exactè unus correspondet dies.

PROP. XIX.


Monstrare loca, quibus dies artifi-

cialis maximus sit dierum naturalium quot assignaveris ad usq; 6. Menses.

OPERATIO.

Qu. quænam terræ loca habeant diem artificialem 120. dierum naturalium. Accipe medietatem propositi dierum numeri, nempe 60. numera deinde pro 60. hisce diebus, 60. gradus in Ecliptica Globi, à primo Cancrī incipiendo, gradumque ultimum creta signa. Postea polum eo usque vel deprime vel attolle, donec gradus cretā notatus sit in communi Horizontis &

Meridiani sectione, & quot gradibus tunc polus supra Horizontem extiterit, totidem ab Æquinoctiali in Meridiano versus polum numerabis, pro inveniendō puncto verticali, quique tunc populi verticē subibunt, illi ipsi sunt quos quæris.



CAP. IV.

De Vsu Chartarum Geographicarum, imprimis particularium.

PROPOS. I.

In unaquaq; Charta regiones seu plagas Mundi dignoscere.

OPERATIO.

1. Fieri id potest ex adjunctis nominibus Septentrionis & Meridiei.
2. Ex Pyxidis nauticæ delineata imagine.
3. Ex collatione graduum latitudinis & longitudinis; majores enim gradus Meridianorum sunt, qui omnes à Septentrione in Meridiem feruntur, & contra. Jam cognito Meridiano facile distinguitur Septentrio à Meridie. Si enim Charta medietatis fuerit Septentrionalis, erit illic Septentrionalis plaga, ubi plures numerantur gradus: sin medietatis fuerit australis, erit illic
loci

loci Meridies ponenda, ubi plures inveniuntur gradus. Porro cognitis Septentrione & Meridie, reliquæ plagæ de facili innotescant per axioma nostrum primum.

PROP. II.

Invenire latitudinem loci.

OPERATIO.

Pone circini pedem in centro loci, alterumque extende ad vicinum usque parallelum, & extensionem istam transfer ad Meridianum, atque sic numera latitudinem: Aliter: Filum per utriusque Meridiani marginalis partes easdem tamdiu moveto, donec per centrum loci trajiciatur, & patebit latitudo loci.

PROP. III.

Invenire longitudinem loci.

OPERATIO.

Pone circini pedem in loci centro, & alterum extende ad Meridianum usque; hanc extensionem transfer ad Parallelum vel circulum longitudinis viciniorem, & numera gradus longitudinis. Aut filum per supremi & inferni paralleli gradus, graduumque partes easdem tamdiu move, donec illud per centrum loci traducatur, & habebis longitudinem.

Data latitudine loci invenire clima
& quantitatem diei maximi.

OPERATIO.

Consule Tabellam climatum, latitudinemq;
tuam sub latitudine Tabellæ inquire, & è regione
correspondebunt clima, parallelus, & maximus
anni dies.

PROP. V.

Si oblati sunt duo loci, quorum
alter orientalis, alter occidentalis sit, scire
diversitatem temporis.

OPERATIO.

Subtrahere longitudinem minorem de majo-
ri, & differentiam longitudinis converte in horas,
ponendo in regula proportionū: Quindecim gr.
dant unam horam, quid dabit differentia longi-
tudinis? Sic provenient horæ ac minuta, quibus
locus unus præ altero citius vel tardius habet
meridiem. Citius autem fit meridies orientali-
bus, quam occidentalibus.

PROP. VI.

Cognita longitudine & latitudine
loci, scire situm ejus in terra marive.

OPERATIO.

Duplex filum adhibeto, & alterum per gra-
dus

das latitudinis, alterum per gradus longitudinis ducito, communemque filorum intersectionem notato, ea enim ipsa est loci quaesiti situs.

PROP. VII.

Duorum locorum intervallum

metiri.

OPERATIO.

Si scala milliarium adsit, mensuratio est facilis. Si ea verò desit, assumes loco scalæ unum gradum Meridiani, vel aliquot minuta: Gradus autem Meridiani quilibet 15. complectitur Germanica milliaria, & 4 minuta unum comprehendunt milliare: si quæ gradus unius quantitatem in 15. divideris partes æquales, acquies 15. milliarium mensuram.

OBSERVATIO.

Antequam vel loci latitudinem vel longitudinem, vel distantiam duorum locorum investigare cupis, videndum in quot partes divisus sit gradus unus, & per numerum istarum partium divide 60. minuta, sic videbis, quot minuta unaquæque pars comprehendat. E. G. Sit unus gradus in 12. partes divisus proinde divides 60. per 12. & proveniant 5. unaquæque igitur gradus particula 5. comprehendit minuta,

Chartam Geographicam secundum principalia capita generaliter considerare.

OPERATIO.

1. Evolvenda sunt illa, quæ Mathematica sunt; ut plagarum distinctio, longitudinis ratio, hinc zonæ, climatum & parallelorum distinctio, mensuratioque distantiarum itinerariarum & differentia temporis ob Meridianorum diversitatem.

2. Contemplandi sunt fines.

3. Perquirenda sunt naturalia provinciæ; ut flumina, lacus, sylvæ, montes, fontes, promontoria, portus, fertilitas, sterilitasve, metallorum fodinæ & alia.

4. Tractanda est divisio provinciæ in partes.

5. Imperium Majorum & modernum considerandum.

Distinguenda vero sunt ea quæ Geographiæ sunt absolutæ, ab iis quæ ad Geographiam historicam spectant.

F I N I S.

55 96 0196

1093.





